



©STEVE CREITZ - PROPHECYART.COM

A BIGI WINI FU GADO LOBI

“Dan mi yere wan tranga
sten taki kmopo fu a
kownusturu taki: “Luku, a
tanpresi fu Gado de pe
libisma de. Den o de En
folku. Gado o de na den
mindri, e'n A o de den
Gado. A sa drei ala den
watra ai. Dede, row, krei
nanga pen no sa de moro,
bika den owru sani disi no sa
de moro.” (Kon krin 21:3, 4)



A bigi feti, a kaka futu fu Satan teige a tiri fu Gado, esi nanga gaw o kisi wan kba.

Wi no tan ini dungru, fa a feti disi o kba : Gado e wini, satan e lasi.

Srefi den pikin sani fu a kriboi feti, skrifi krin ini a Wortu.



- ➡ Ten fu frede nanga kon fri.
- ➡ Ten fu bigi frede nanga prisiri.
- ➡ Ten fu sabana nanga krutu.
- ➡ Ten fu libi nanga dede.
- ➡ Ten fu soso lobi.

TEN FU FREDE NANGA KON FRI

"Dei fu sari! Bika no wan tra dei o de fu marki nanga a dei dati. Na wan dei leki a bigi benawtu fu Yakop,ma den o kmoto na ini." (Yer. 30:7)


"Wi e libi ini a ten pe sani o kba. Den kriboi sani di musu psa esi na a ten disi, bika ai taigi wi dati a kon fu Yeises de kros'bei. Den dei ini san wi e libi na seriusu, a no fu meki spotu." (EGWT 9,11). San den sani disi o de?

Kon krin 22:11



A tesi kba, besroiti fadon gi ala man. A kenade doro e sroto.

Yes. 8:21,22; Yer. 30:7



Ten fu bigi frede. Den takrusma: noti e hori den fu du ogri. Den bun wan no sabi efu den kisi pardon.

Kon krin 15:7,8; Singi 27::5



Den 7 kriboi siki e fadon tapu den sma di no drai den libi. A pipel fu Gado abi wan skotu, na ala sei.

Kon krin 16:14;1 Yoh.3. 3:2-3



Ini grupu e seti ensrefi fu miti Yeises. Sowan fu feti teige en, trawan fu teki en nanga prisiri.

Te Yeises tapu en wroko leki atkati, e'n a Santa Yeye hari ensrefi puru na a ati di no wani drai, dan a lot fadon gi ala sma. Den di de getrow sa abi a yepi fu Gado, ma den takruwan sa abi kenade fu didibri. Alaman o sori ini en maniri suma a besroiti fu dini.

TEN FU BIGI FREDE

"Taigi den bergi nanga den bigi ston taki: Fadon na wi tapu, e'n kibri wi fu a Wan di sidon tapu a kownusturu no si wi.e'n fu a atibron fu a Pikinskapu" (Kon krin 6:16)

Den poti a komandi fu Gado na wan sei; den poti a libi watra na wan sei, dan den diki" broko broko baki."(Yer. 2:13).

Noya den kon ai na. ai nanga a Krutubasi. San den kan ferwakti na atibron nanga strafu. Suma o poti den fri? (Yes 2:9;Kon krin 6:16).



"A dei dati sma o taki: Luku,disi na wi Gado. Na tapu En wi ben howpu,En o ferlusu wi. Na En na Masra, tapu En wi howpu. Wi o meki prisiri di a ferlusu wi" (Yesaya 25:9)



Den tan getrow na a komandi fu Gado; den dringi a watra fu libi(Kon krin 21:6) Den e luku den ini en ai.A enkri howpu fu den na a te'go libi. Fa den no sa meki prisiri? (Yes 25 :9; Kon krin 15 : 3,4).

Satan ati e bron nanga den di tan abra. (Kon krin 2:17)

Ai meki alasma anbegi en,owktu hori en komandi (Kon krin 13: 15-17)

Den di tan o de getrow na a komandi fu Gado (Kon krin14:12)

Seti grontapu fu feti teige a Pikinskapu (Kon krin 17:12-14)

Ai seti ensrefi fu miti en Gado (Amos 4:12)

Yeises o fernitig ala en feiyanti te a kon (Kon krin 19:11-15)

Yeises e teki nanga en,den di ben bribi ini En. (Kon krin 19:6-8)

TEN FU SABANA

"A kondre o leigi sref' srefi, broko te na gron :bika so Masra taki." (Yes. 24:3)

Te Yeises kon, den santa wan fu alaten o opo baka; den libiwan di tan getrow, di frander, o go nanga den na Heimel nanga Yeises. (1 Tes.4:16,17).

Den takruwan o dede na Yeises fesi. Den skin no sa beri, tef kba noti sa libi moro na grontapu.(Yer. 25:33; Kon jrin 19:7-21; Yer. 4:23-26; Yes.24:3).

A ten dati, Satan nanga den yeye fu en, sa sroto ini a dipi dungru,dusun yari langa, de no man dyote no wan sma. (Kon krin 20:1-3).

A dipi (abyssos,presi fu dungru) e skrifi krin a sitewasi na grontapu a ten dati. Sondro libi fu sma na ini,no wan didibri no man tesi. A o de wan ten fu luku baka fu den yeye di kaka futu, den tai nanga keti fu san miti den. Grontapu kon tron sabana. Den no man go no wan presi.



TEN FU TESI

**"Dan mi si kownusturu, den di kisi a makti fu krutu, sidon na den tapu.... den libi, owktu tiri makandra nanga Yeises dusun yari langa."
(Kon krin 20:4)**

Efu a prisiri ben de fu a krutu bifo a tweide kon, nanga a strafu ben leisi kba, fu gi te'go libi na den di e bribi ini en... dan san a nyun krutu disi abi?

Furu hondro yari kba, Gado ben sori en lobi. A ben gi okasi na alasma fu abi a libi fu te'go. Gi ala di wani. Sofasi a takru owktu kisi a okasi fu ben gro te a kisi pontu.



Ini a krutu, ala den grontapu nanga den getrow yeye ben man si a rekfardek nanga kenade fu Gado ini a fasi fa A tyari ensrefi nanga a sondu nanga a kakafutu. Now den abi na den fesi den ekte froktu fu a tiri fu satan: wan leigi nanga sabana kondre.

Ma wi di libi ini a kontren fu a feiyanti, ini a strei, di ferlusu noya, owktu sa musu de getoigi fu a rekfardek nanga kenade fu Gado. Ini a dusun yari krutu, wi sa de so seiker fu a lobi fu Gado, dati a takru noiti moro sa opo baka. (Nah.1:9).


TEN FU LIBI NANGA DEDE

"Bika arki, a dei e kon leki wan faya onfu. A dei dati ala den sma nanga heimemre nanga den wan di no wani dini Yu, sa de leki drei grasi. Dan tapu a dei di e kon, den o bron gwe. No wan taki noso rutu fu den, no sa de fu si moro, Masra fu alasan taki." (Maleaki 4:1)

"Ma a son sa opo gi unu di e respek Mi, a rekfardek son sa kon. A faya fu en sa dresi sma, dan un sa kon na dorosei e'n dyompo leki pikin kow." Maleaki 4:2)

Na 'a kba fu den dusun yari, den takru sma sa opo baka. Den e arki satan baka, den e feti teige Gado nanga den santawan. Noti no frander, so den alamala o bron. (Kon krin 20: 5-9).

Ma bifo faya bron a kriboi krutu o hori. Den buku o opo. Ibriwan kan si fa den tya den srefi, nanga fa den drai den baka gi den kari nanga lobi fu a Santa Yeye. Ibriwan e teki a rekfardek fu Gado, so den e boigi den kindi na en fesi. (Kon krin 20 :11-13; Yes. 45: 23; Fil. 2: 10).



Kwet'kweti den no sa libi te'go(fu den kisi te'go strafu) den e dede" wan tweide leisi" pe opobaka no de. (Kon krin 20: 14,1t; Singi 37:20; Mal. 4:1; Yes 26:14).

Dede nanga sondu psa. Na ten fu figi ala watra ai, e'n meki prisiri fu te'go (Kon krin 21:4).



TEN FU SOSO LOBI

"Fu fara Masra sori ensrefi na mi. Iya, Mi lobi yu nanga wan te'go lobi, na dat meki Mi no tapu yu fu sori yu a lobi fu Mi" Yer.31:3)

San wi sa du te'go tapu a nyun grontapu?

A kroisi fu Krestes sa de a stuka nanga singi fu den ferlusuwan na alaten

Tapu [...] presi fu freide, na sei [...] kriki di e libi, a folku fu Gado [...] o feni wan tanpe

Drape bradi edeman di no sa dede, o denki nanga te'go prisiri den wondru fu meki sani

Alasei fu libisma o set'kon, ala san wi man du sa gro


A gro ini koni, no o weri un ede, no o weri un skin

Den moro bigi sani di wi kan du, wi o man du. Den moro heisani di wi wani fu du, wi o duen. San wi wani wi o man duen

Nyun hei sani o de fu miti. Nyun wondru fu wi o de fu si. Nyun sani di tru, wi sa ferstan. Nyun marki o de fu srapu a yeye, sili nanga skin

Den o prati den gudu nanga libi sani di noiti fadon. Gudu, fu koni nanga ferstan di den ben kisi, hondro hondro yari kba, ini a praksei fu den wroko fu Gado

Nanga krin ai, den e wegii a glori fu a kreasi :den son nanga stari nanga den systema, di fa Gado seti den, e lontu a Kownusturu fu Gado



“A bigi feti kba. Sondu nanga sondari no de moro. A heri kosmos krin. Wan dron fu de makandra nanga prisiri e naki alasei. Fu En di meki alasani, libi e kmoto nanga krin nanga prisiri, ini alasani sondro skotu. Fu a moro pikin gomiti a moro bigi planeit, ala sani, nanga libi, sondro libi, nanga ala den moi sondro wan flaka nanga a moro bigi prisiri, e taki dati Gado na lobi”

